

# 15 ikuskizun, horietatik bi estreinaldiak, San Agustingo azken hiruhilekorako

Paco Obregón durangarrak idatzi eta zuzenduriko 'Adiós, Chejöv' estreinatuko dute urrian, San Agustinen



Programazioaren berri emateko, formatu handiko kartelak ipini dituzte antzokiaren sarreran.

**> PROGRAMAZIOA** I. Esteban San Agustín kulturgunearen 2014ko azken hiruhilekoko programazioa aurkeztu dute Arantza Arrazola kulturguneko arduradunak eta Jon Kepa Garro Astarloa Kulturgintza erakundeko presidentek. Guztira,

hamabost ikuskizun dira irail, urri, azaro eta abendurako proposatuko dituztenak. "Oso zabal da eskaintza, gustu eta interes guztientzako modukoa", azpimarratu du Arrazolak. Ahalik eta jende gehien erakarri gura dute kulturaz gozatzera.

Estreinaldiak dira 2014. urteko San Agustín kulturguneko azken hiruhilekorako ekarriko dituzten emanaldietako bi. Batetik, antzerkiari dagokinez, Durangoko Geroa antzerki taldean hasi zen Paco Obregonek idatzi eta zuzendu duen *Adiós, Chejöv*

izango da urrian ikusgai. Urriaren 3an eta 4an, 20:00etan izango dira obra horren emanaldi biak. Durangoko Azokaren egitarauaren barrukoa izango da bigarren estreinaldia. Abenduaren 8an, San Agustín kulturgunean eskainiko dute Organik dantza

konpainiak eta Kepa Junkerak *Txapeldun* ikuskizun berria lehenengoz. Garaipenaz, bakar-dadeaz, presioaz eta beldurraz dihardu obra horrek.

Azaroan ere izango du hitzordu berezirik antzerkiak, Durangoko San Agustinen. Eneko Sagardoy durangarra protagonista duen *Arkimedesen printzpioa* eskainiko du Maskarada taldeak azaroaren 23an. Katalunian publikoaren harrera beroa eduki duen Josep Maria Miró i Colominak idatziriko testuaren euskarazko bertsioa antzeztuko du Sagardoyk.

Kulturgunean ahalik eta kultur adierazpide ugarienei leku egiteko arduradunen helburuaren erakusle, musikak ere izango du urte amaiera orduko San Agustinen lekurik. Azaroan Cadaquesko Orkestra Ensembleak joko du, eta Travelling Brothers Big Band ariko da abenduan.

## Formatu handiko kartelak

Kulturgunearen programazio zabalaren inguruko informazioaren berri emateko, formatu handiko kartelak ipini dituzte antzokiko sarreran, hiruhileko honetako emanaldien ordutegiak jakinarazteko. Arduradunek prentsaurrekoan azaldu dutenez, abuztua aprobetxatu dute, antzokiko komunak leku aldatu, eta irisgarritasun irizpideetara egokitzeke.

## Antzerki mundua ezagutzeko ikastaroa, Banarteren eskutik

Abadiñoko antzerki taldeak zazpigarren aldiz eskainiko du antzerki tailerra



Datorren barikuan 'Guernica 1913' obra eskainiko du Banarte antzerki taldeak, lurretako jaietan.

## > ANTZERKIA

Abadiñoko Banarte taldeak antzerki ikastaroa eskainiko duen zazpigarren ikasturtea izango da hau. Antzerki taldearen [banarte@gmail.com](mailto:banarte@gmail.com) posta elektronikoa eman dezake izena antzerkian aritu gura duen 15 urtetik gorako edozein pertsonak. Ohi bezala, urrian hasiko dute ikastaroa, eta ekaineko jendaurreko emanaldiekin emango dute amaitutzat.

Guztira 84 orduko ikastaroa izango da, eta Aitziber Bilbao Elorrioko aktoreak gidatuko du. 16 urteagaz Durangoko Geroa taldeagaz hasi zen Bilbao antzerkigintzan, eta Bartzelonan egin zituen clown arloko ikasketak.

84 orduko ikastaroa izango da, eta Aitziber Bilbao Elorrioko aktoreak gidatuko ditu saioak

Parte hartzen dutenak eszenaren mundura hurbiltzeko aukera eskaintzea da ikastaroaren helburua. Horretarako, hainbat jolas eta ariketa egingo dituzte partaideek; besteak beste, ahotza, begirada, eszena mugimen-

dua, kontzentrazioa eta inprobisazioa landuko dituzte.

Urritik abendura arte, interpretazioagaz lehenengo kontaktua egingo dute ikastaroko parte-hartzaileek, eta bigarren hiruhilekoan aukeratuko dute zer antzeztan prestatu eta erakutsiko duten ikasturte amaieran. Interesa daukanak Banarte taldearen [www.banarte.net](http://www.banarte.net) e-maillean topatuko du tailerraren inguruko informazio guztia.

## 'Guernica 1913', lurretan

2013ko urrian Gernikako Lizeo antzokian estreinatu zuten *Guernica 1913* antzezalana Iurretan eskainiko dute, irailaren 25ean. Ibarretxe kultur etxean, 19:00etan hasiko da emanaldia. Benetako gertakarietan oinarritutako obra da Banartek eskainiko duena: XX. mende hasieran Gernikan jazotako klase borrokari buruzkoa.

Armagintzako Esperanza y Unceta enpresako langile eibartarrek 1913ko udazkenean, Gernikan, egin zuten greba da antzeztanaren ardatza. Lantokia Eibartik Gernikara aldatu dietenean, Busturialdera lanera eta bizitzera doazen Fermín Larra-goicoa eta Justina Garate bikoitea, eta Arrate euren alaba dira antzeztaneko protagonistak.